



Inatsisartunut ilaasortaq Naaja H. Nathanielsen
Inatsisartut Allattoqarfiat
/maani

**§ 37 naapertorlugu apeqqutip nr. 79-p, 50 mio. koruuninik
sipaarniutigineqarnerisa piviusunngortinneqarneri pillugit apeqquteqaat.**

30-03-2015
Sags nr. 2015-113037
Dok. nr. 1921162

Asasara Naaja H. Nathanielsen

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Inatsisartut suleriaasianni § 37, imm. 1 naapertorlugu ukiumut 50 mio. koruunit sipaarniuteqarnissap piviusunngortinneqarnissaa, iluarsartuullugu ilanngunneqartoq AIS2015-mi konto pingaarnermut 20.11.56 Missingersuutininik iluarsineq, allaffissorneq, pillugu Naalakkersuisunut marlunnik apeqquteqarputit.

Pingaarnertut isigalugu malugeqqussavara, Naalakkersuisut sipaarniutissat agguataarneqarnissaat pillugu inaarutaasumik aalajangiivinnikuunngimmata, kisianni ataaniittut sipaarniutissat piviusunngortinneqarnissaannut suliaagallartoq aallaavigalugu nangaanartoqartinneqartumik apeqqutit akineqarput.

Apeqqutigineqartunut marluusunut akissutikka ataani tullerijaarlutik allassimapput.

1.

**Aningaasanut Inatsimmi tapiissutitut tunniunneqartartut tamarmik
ileqqaaruteqarfigineqarnissaat pilersaarutaava imaluunniit Naalakkersuisut kontut
aningaasaliiffiusut siunertaat naapertorlugit nalilersuissamaarpat?**

Akissut: Naamik, aningaasanut inatsimmi tapiissutitut aningaasaliissutit tamakkerlutik sipaarniutissatut pilersaarutigineqartunut ilanngussaqaarnissamut aarlerinartorsius-sannngillat. Tapiissutitut aningaasaliissutit arlaqartut sipaarniutit inernerannut atatillugu ilaatinneqanngillat. Konto pingaarnertit kiffartuussinissamik isumaqatigiissutitaliit imaluunniit konto pingaarnertit isumaqatigiissutinut pituttorsimasut ilaapput. Ukuusinnaapput soorlu kontut pingaarnertit 64.10.12 Nioqqutissanik pilersuineq aamma 20.05.20 Kommuninut ataatsimoortumik tapiissutit. Saniatigut tapiissutitut aningaasaliissutit konto pingaarnertit 30.13.07 Danmarkimi Kalaallit Nunaannilu inissiinernut qitiusumik immikkoortitat aamma sipaarniarfigineqassanngillat, taassuma ataani aningaasat kommuninut aningaasalorsorneqarmata kommuninut ataatsimoortumik tapiissutit ikilileriffiginerisigut.

Kisianni oqaatigisinnaavara, sipaarniutit piviusunngortinneqarnissaannik suliaqarnermi Naalakkersuisoqarfinnut ataasiakkaanut tapiissutit ingerlatsinermullu aningaasaliissutit aallaaviginiarneqarmata. Taakkua 50 mio. koruunit immikkoortunut ataasiakkaanut aningaasaliissutit tamarmiusut saniatigut allanut naleqqiussinikkut agguataarneqarput, taamaalilluni immikkoortunut ataasiakkaanut sipaarniutit ataatsimut katinneqarlutik. Matuma kingorna, sipaarniutigineqartut katinnerisa piviusunngortinnissaat Naalakkersuisoqarfiit ataasiakkaat immikkoortotaqarfimmini namminneq aalajangissavaat.

34-mi (peqqissutsimut) aamma 40-mut (ilinniartitaanermut, kultureqarnermut, ilisimatusarnermut ilageeqarnermullu) taamaattorli aningaaliissutinut sipaarniutissamik

katinnerisa naatsorsorneqarneranni affaannarmik ilaapput. Tamanna immikkoortunut aningaasartuutitigut tatineqartunut sullissinermikkut piumaneqarnerujartortunut naleqqiullugu ilaatigut isigineqassaaq, matumani ilanngullugit ukioqqortusiartornerup ilinniartullu amerliartornerata malitsigisaanik. Tamatuma saniatigut ilinniartitaanermut aningaasaliissutit EU-mik suleqatigiinnissamik isumaqatigiissummit aningaasanut nalinginnaasumik pituttoqqapput.

2.

Tapiissutaasartut ilaat soorlu inuussutissarsiornermik ingerlatsisut aamma innuttaasut qinnuteqaatigisinnaasaat ilaasa Naalakkersuisunit asattuunneqassamaarpat, sipaarniarnermilu eqqornagit?

Naamik, Naalakkersuisut aallaaviusutut apeqqut 1-imut akissummi taaneqartut saniatigut tapiissutit aningaasaliissutit aalajangersimasut allanngutsaaliorniannigilaat.

Kisianni Naalakkersuisut anguniarniarpaat, tapiissutit aningaasaliissutit aalajangersimasut inuussutissarsiutilinnit, suliffeqarfinnit innuttaasunillu aningaasanik qinnuteqarfigineqarsinnaasut sapinngisamik eqqorneqannginnissaat.

Tassunga atatillugu oqaatigisinnaavara, konto pingaarnert § 37-mi tunngavilersuutinni innersuussutigisatit kontoni pingaarnerni ilaaNNGIMMATA sipaarniutissani piviusunngortinniarneqartuni. Konto pingaarnert makkua ilaapput:

- 40.10.12 Efterskolit (Tapiissutit aningaasaliissutit)
- 40.95.01 Kulturimut tapiissutit allat
- 50.06.50 Aalisarnermut aningaasaliissutinut immikkoortitat
- 51.03.02 Nunalerinermik inuussutissarsiuteqartunut aningaasalersuinikkut tapiisarneq

Imaassinnaavorli tapiissutit aningaasaliissutit allat apeqqutinni innersuukkitit, tassanngalu sipaarniutissatut piviusunngortinniarneqarsinnaasut. Tassani akuttunngitsumik tunuliaqutaasinnaavoq ukiuni kingullerni aningaasaliissutit immikkoortitanit atuineq appasinnerusarsimammat.

Inussiarnersumik inuulluaqqusillunga

Med venlig hilsen



Anda Uldum